

Queridos nenos e nenas de 5º B
da Ramallosa (Teo):

Antes de nada, quero dar as
gracias por ler os meus libros (os
autores sen lectores non podemos existir)
e tamén pola xornada que compartimos
no voso cole, falando deles.

Como vos dixen, a Serie de Said
e Sheila é para min algo moi espe-
cial, e paro a dicirvos porque:

- Fixen esta serie (ou máis en
concreto o seu primeiro libro,
"Perigo vexetal") para a miña filla
maior, Uxía; por isto, e por ser o
meu primeiro libro para nenos,
gárdolle un cariño especial.

- O nome de Said collino dun
alumno meu que tiña daquela
(1990-1992). O seu pai era
palestino, por isto tamén Said e
Sheila proveñen desa parte do
mundo.

- O nome de mister Beluz é o non
dun demo: BELUZ é LUZBEL

ao revés, e por iso é que é tan
malo ...

- Como dicides ben, estes meus libros
son de ciencia-ficción (do futuro)
pero tamén da realidade (de agora)

- Por desgracia, xa temos outro "negra enriba". Como sabedes, estes
días no Golfo de México vén de
estourar unha plataforma petroli-
fera e esta saíndo petróleo dende
unha profundidade de 1500 metros
baixo o nivel do mar ...

- Ao que se ve, non había
ningún plan de emerxencia
nin dispositivo de seguridade
previsto para atallar esta fuga
que está empurcando o océano
Atlántico. O feito de que non
nos toque a nós por agora non
quere dicir que non nos vaia
afectar, pois como sabedes, as
correntes oceánicas percorren todos
os mares.